



商榷集卷二

華亭 高 不騫

查客

望湖涇訪吳處士騏隱居

百尺跨虹梁

謂葉謝橋

輕帆落半檣行看涇上出高隱

問吳剛門柳籠陰靜汀蘆過雨香湖洄曾未到今  
識水中央

滌缺墩觀海

瞰海臨殘壘滄溟望不窮卷濤轟萬馬撼石斷長  
虹版築工難固田廬勢可通預防需上策無路達  
宸聰



莊行音曉

布自此方出名超漢女  
撞飛梭透輕薄退軸散光  
融呢呢論高價紛紛送遠筒  
篋竿月猶在催起市聲中

南橋夜泊二首

南橋南北岸新漲縮秋蛇  
地脈欲侵海岡身已帶  
沙盈筐襍水族徑尺長  
園瓜避世悲吾祖從茲發

柳車

先通政兵後播遷東土於此終焉

吾生從此始重到有長吁  
少壯風塵送川原夢寐

殊花宮存石晉

里有明行寺

荒冢見句吳

地近三女岡

素業當年

盡無枝宿夜烏

余生甫一歲從先君太常徙居郊園今年過三十再至其地蓋故廬已不可問矣

閔行渡書懷

水市臨東浦開蓬一問津  
把鉏歸健婦題扇有詞

人莫少尹

月出當江面潮來濺樹身  
飄飄逐鷗鷺稍

稍絕風塵

閘港口候潮落

挂席西風好何為向此收  
潮痕激似箭浦勢折如  
鉤魚力渾難上鷗聞得共  
畱經過多宿葦一望翠  
煙浮

次上海

小舫隨風到孤城傍水開低迷汀樹出敲側海禽  
來浦欲連江許濤聽擊岸隈鯨鯢久已淨憑弔獨  
餘哀

觀樵關祠部叔聯璧祀天妃宮

宿霧開鮫室朝暎上翠旗傾城觀漢使憂國媼馮  
夷簫鼓紛相軋牲牢潔且時波臣應有助催舶起  
南颶

泊泗涇

歎息天台叟陶處士宗儀也于焉老輟耕水同陪尾出船許  
擻頭行中市人頻異南邨迹自傾池荷獨搖動解

語至今名

伏日小憩無量壽佛菴為從弟照源出家處時值齋戒請雨

憂時幸無分避暑意猶存高枕從吾弟清齋契世  
尊茂林青隔舍剝水碧當門塵塋終朝滅鳴蟬未  
覺喧

過張孝廉淵懿塾園

何不取高第由來有老親小園供色養好與孟家  
鄰對酒池花滿填詞山月新還應擅幽事慵踏六  
街塵

同舍弟駕普寧寺觀黃耳冢

龍也曾埋處相看野寺邊祇今深翠竹不復膩紅  
蓮其地舊名蓮花蕩谷水題詩日河橋出將年平原若無汝  
消息竟誰傳

曹上舍源祁招集干巷南溪草堂分韻得

干字

曹郎好奇者攜我向東干健櫓迎潮進斜門落照  
殘杯浮紅琥珀簞拓翠琅玕醉倒歌聲作更番聽  
未闌

宿李塔滙唐曹王李明廟在焉

遙看帆轉處竹樹一林青縹緲開孤塔喧呼異短

亭我來薄炎熾鳥下浴清泠誰報迎神鼓蓼蓼旣  
夕聽

雨後喜從弟懿均網得白鷗池雙鯽見遺

細雨收檐際圓波靜檻前羣鷗去未返雙鯽見應  
憐不付纖蔥剝翻教斷柳穿三江饒水族長遜本  
池鮮

過朱上舍軒交山堂乞畫因游後園

門徑跨通波莊園簇小窠青苔行處厚綠樹向來  
多緣閣閱農事遶籬聞釣歌王孫遺研在乘興潑  
峰螺上舍研背有水曰宮道人欵識蓋翰林承旨趙文敏之類故物也

曉行拓澤橋下

細路依亭近，彎橋與廟齊。南來通列岫，北去即橫

溪。圖經云：青浦岸橫，柳因曰橫溪。戴良橫溪義塾記云：在上海之西，去縣百里。徐階有橫溪詩，載世經堂集。今譌為青溪。青溪乃秦淮河也。樹

色蒲帆借，荷香葛袖攜。自知機事盡，左右逼鳧鷖。

夜泊黃渡即事

時總督傅臘塔公巡撫宋公犛同諸有司往視海口寶山圮城共宿於此

海闊今無警，城敲昔受降。重臣齊按部，野渡集艤。雙水靜，青銅鏡，銜連赤玉幢。亦能高詠在，往事感

西江

九月六日荅蓮生菴味上人

入社期偏近，乘籃思不禁。看詩兼聽法，背面已輸

心。九日青蓮界，三秋烏柏林。生生橋易度，風雨亦

來尋

游法忍寺

勝曰：船子道場，疑即誠公遇夾山後自沉處也。

來者了剩義，悠然逝老漁。後人憐異迹，就此立精廬。階面秋沙擁，牆腰夕照餘。何年復重閣，遐矚况憑虛。

集張上舍

起麟

祖德堂

在朱涇之西，張家浜上。

問水知華屋，維禰就蘇杠。相逢幽意愜，尚論片心降。鱸魚獨香傳，桂樹雙此中。堪笑舞况列，白醅缸。

過呂巷題吳處士志菴青苧亭處士祖通判不顯初入縣學時

以白苧布染作青衫相傳至今乃為亭貯之屬不寒題額繫之以詩

谿畔青衿子呂巷一名瓊谿見具博士瓊詩題居連白苧邨素風從小尚

青苧至今存薄俗服斯稱宗儒道自尊草亭何所

有畱此鎮鄉門

秋夕雨中過東鄰唐雲會春雨一家邨

隔徑對荆扉招要從短衣高吟荅疎豁緩酌盡珍

肥冉冉晚花妥泫泫秋雨飛兒童相視笑到此輒

如歸

七寶寺感興

一舸等潮處羈懷不自聊起行黃葉岸閒度香花

橋藏殿空金簡參堂演玉簫也應衆緣薄記曲待

相邀

游龍華寺懷張二上舍兄恒久客洛中

聞說龍華港沿流十八灣經時縈小楫帶月入名

山護藏紫衣舊浮空紺塢閒却憐秋樹外張翰未

知還

次青浦

小縣何時立相傳萬曆初水雲三派動城郭百年

餘晚市歸漁戶秋租襍蟹胥吾生釣游便那不此

中居

曉發北泖遇風

算潮辭枉渚隨日起長風浦樹黏天際雲帆隱浪  
中參差回鴈陣辛苦戲魚叢忽憶由拳在南塘匹

馬通

圖經疑古浦塘即是始皇馳道然不能西通  
吳城愚意秦築馳道時由拳縣未陷為泖也

董進士含光復堂話舊

在城北門內為吏部侍郎羽  
宸所築遭時鼎革猶有故居

吾郡之  
僅事也

誰能劫火後自有先人廬脫手對三策軒眉返一  
隅崇情寄花竹小錄及樵漁遠勝陶元亮斂裳彭  
澤餘

題沈庶常

宗敬

雙杏草堂

通家沈吉士澹蕩有誰如徑闢占星外

占星乃禮部侍  
郎唐文恪文獻

也堂成選樹餘新圖能自擅古調坐相於最是秋

窗好黃暉透秘書

王明府

時沛

招集來鶴樓

南京禮部尚書顧  
文僖清故宅也

伊昔顧榮宅如今王粲樓開襟從物象改席許匆  
儔聽鶴欣栖集看鳧惜滯畱遺蹤與人事俯仰意  
悠悠

過顧長庚園居同錢處士

德震

賦其地為顧署  
丞正心熙園

西南  
隅

金谷餘寒水誅茅復爾家  
拚從仄徑入畱得半峰  
遮鴨脚樹鎔蠟雞冠草  
歎砂羊光坐堪賞回首笑  
繁華

附錢德震詩光祿園林接野田閒游如夢記當年亭臺經劫笙歌燼  
百尺苔峰尚儼然

同林十二秀才弟企純入普照寺峰上人

房見先曾祖檢討手蹟

寺已宏規減房猶曲徑通  
范金傳瑞像擇木敞瑯  
櫳才調憐支遁丹青接  
惠崇吾家詩賸在讀罷藹  
春風

附先曾祖狂風一絕句來禽青李不須猜一日一夜桃花開朝來春風  
休更惡枝頭綠葉旋相催

泖口邨居得鮮鱸魚以饋張明府陸寓齋

波面霜花腴侵晨起玉鱸  
乍黏居士網聊送步兵

廚膾取法仍在畜之看欲無計處士南陽言鱸魚在沼  
與水同色見吳騏詩題須

隨午炊熟深碗配香菰

梅花書屋感舊故吳山人懋謙之廬也禮部尚書宛平  
王文貞崇簡書匾鹽城孫學士一致題

旁舍曰獨樹老夫家闕里顏司勳光敏題南亭曰借竹蓋  
山人以詩名當日四方賓客往往造焉

當時冰萼底頻醉甕頭春  
耆老嗟安往畱題尚未

湮空階捫獨樹隔水問叢筠  
一去東門道過從罷

遠人

歲宴過庫公山

清冬不出戶稍喜雨琤潺行趁半篙水從尋一簣  
山煙仍豁邨落風又響林間餘興堪乘處船頭那  
便還

抵鳳凰山下

不道乘冰雪悠然見鳳兮衆禽長有託獨爾就卑  
栖竹色淨毛羽松聲逸歎啼空懸稻梁計未得日  
攀躋

雪中發冷水灣茅屋陟斡山

賸有三升榼那耽六尺牀隔谿山獨擁戴笠擢相  
將隱者居誰在樵人逕就荒却思幽絕處虛閣壓

叢篁

羅木橋題姚叟新雪滿山房

君家臨崧塘煙水到門長晚稻刈百畝古梅擁千  
章客來足佳醞春至漲幽香絕少一塵事其風似  
上皇

聞新塲葉上舍永年營別業五十椽詩以

寄之

勝絕香茅屋平添石筍街垂簾界虛白移樹埽氛  
霾痛飲從所好清言亦可懷春光次第轉報爾辦  
青鞵

游王學士頊宜園

名園橫近郊不數孟城坳老樹庭榆有迴塘春水  
交樓成納綵翠徑轉殷絃匏坐對王喬鶴頗懷此  
地巢

集徐二秀才兄范明善東堂

見說嘉隆際清門狹巷傍天窗巷也孫枝因挺出祖澤

未銷亡隨意開新逕為名襲舊堂秀才曾祖刑部主事三  
重之堂曰明善祖副使

積稷所築曰明善東堂  
今郊居重書舊額也年年會親戚善氣引杯長

春日陪視學贊善許公汝霖小坐情話樓

在西城林太僕景暘故宅東偏名翼文閣先子購之更今名  
未及登而逝嘗作樂府補題有負却思鱸小卷開三徑之句

竟成詞讖也調名摸魚  
子附載改蟲齋詩略後

東閣忍重開春坊小隊來鱸前教展席燕外忽登  
臺歎逝情何厚思歸意可哀眼看親戚在若箇此  
徘徊

神山逢冲陽道人石門吳御  
史震方也

靈阜近滄海神軒抗黛岑下方流法鼓幽處接清  
琴梁日宸章在明時使節臨向來多物色周覽暢  
行襟

次余山

雙峰八望早雨過亦生雲春岸船船進申鐘院院

聞淪茶同菊淡麝荷 蘭芬却話陳徵士林居意

不羣小榼攜天目山白菊花澆以烹泉忤悞絕倫老僧出本山茶試之色味略同山園產蘭香筍游人競取之東麓頑仙廬旁有亭曰水邊林

下陳繼儒之故居也

集陸御史祖脩老是菴坐雨畱宿

稱疾拋都下怡神托水邊幾曾迷覺路不復夢釣

天影暗階干樹聲飛枕外泉本來殊出處茲夕一

蕭然

雨度薛山

山游宜帶雨短瀑韻周遭不遠玉屏路那辭蠟屐

勞翠勻三岫草紅淺半蹊桃縱使霑吟袂緣雲亦

足豪

經江秋潭

太師徐文貞階養魚池也

釣游傳故相煙景至今佳野水一奩靜前山作畫

排露團花淡淡日出鳥啾啾只少將書籍灣頭結

小齋

舟中望廬山

罷釣理還舸廬山恰再逢分明當夕照刻露傲鄰

峰好著三楹屋旋栽千樹松往來頻繫纜容易一

支筇

場少尹自號清白堂成催詩落之遂拈

小韻

造了三椽屋移居就禁煙淨張  
寬大詔聊用  
免捐錢開槐容生白安牀待草玄  
倉皇及餘事棲  
鳥觀新篇

題王少尹

世紀

岫雲堂

少尹松山人以翰林書記出  
貳吾婁為堂亭橋之北稍植

花竹嘯傲其中蓋婁縣僚  
佐無公廡故各自傲居焉

雲出乳峰頂飄然赴此堂無心為爛漫有態自徜徉  
覆竹春偏綠凝花夜賸香作霖翻手得坐看意  
何長

雨坐來青樓誦吳騏喬木參天花滿枝之

句傷今海棠不存竝弔陳處士

懋和

可惜此登樓不逢陳太丘青峰漫羅列老樹香難  
求著雨情何限參天句自優花繁知往日勝侶盛  
春游

附吳騏來青樓看海棠詩積雨兼旬春事遲朝來雲外散晴絲扁舟西  
去水平岸喬木參天花滿枝國色驚心看不足舊游如夢立移時憑闌  
日暮無歸意月下重傾金屈卮

商榷集卷二終



